

Toi Puoro Kaupae 1

Te Pūrongo Aromatawai ā-Waho 2024



Te Marautanga o Aotearoa	Toi Puoro
Te Rā Aromatawai	Te 30 o Oketopa 2024
Te Momo Aromatawai	He Kete Manarua
Ngā Paerewa Paetae	92090 me te 92091

Te Wāhanga 1: He Tirohanga Whānui

Kia mārama pai te ākonga ki ngā hiahia o te otinga mahi, kia pai te whakatakotoranga o ngā mahi katoa.

Te Wāhanga 2: He kōrero mō ngā Paerewa Paetae

92090: Te whakaatu māramatanga ki ngā huānga toi puoro

Te Aromatawai ā-Waho:

Ka whakarite te ākonga i tētahi whakaaturanga rangahau toi puoro. E toru ngā wāhanga o te whakaaturanga hei aronga mā te ākonga. Ko ēnei e whai nei ngā wāhanga o te whakaaturanga:

1. Me kōwhiri e te ākonga he/ngā huānga toi puoro hei kaupapa kōrero māna.
2. Me rangahau e te ākonga te huānga toi me kohi hoki ia i ētahi taurira mahi a kaitito kē atu hei taunaki i āna kōrero.
3. Me whakarite e te ākonga he kōrero ā-waha, he tuhinga kōrero rānei e whakamārama ana i te/ngā huānga toi puoro kua rangahaua e ia.

Kia whā (4) ngā ata o te whakaaturanga:

- Te ata 1: Ko te tau ākonga, arā, te NSN, ko te ingoa o te kura, me te ingoa o te ākonga,
- Te ata 2: Ko te kōnae ataata o tā te ākonga rangahau huānga toi puoro ā-tuhi, ā-waha rānei,
- Te ata 3: He kohinga taurira nō ngā mahinga toi a kaitoi kē atu hei taunaki i ā te ākonga kohinga rangahau,
- Te ata 4: He kohinga tohutoro (e taunaki ana i ā te ākonga kohinga rangahau).

Pūrongo Paerewa Paetae:

Ko ngā ākonga i eke ki te **Kairangi** i te paerewa paetae nei:

- i whai, i whakaputa māramatanga ki ngā huānga toi pūoro, kia hāngai pū ki te horopaki, i whakatauirahia i roto i ngā waiata i whakaatu mai, me te māia hoki o te rere o te poi, te iere hoki o ngā reo waiata, me te whakatinana i ngā huānga toi puoro, hei taura te manawataki, te pao o te poi, ngā oro, ngā tangiata anō hoki.

Ko ngā ākonga i eke ki te **Kaiaka** i te paerewa paetae nei:

- i whakaputa māramatanga ki ngā huānga toi puoro, i whakatinana, i whakatauirahia hoki ēnei huānga toi ki roto i ngā mahi kia whai take hoki ki te horopaki.

Ko ngā ākonga i eke ki te **Paetae** i te paerewa paetae nei:

- i whakaputa māramatanga te ākonga ki ngā huānga toi pūoro.

Ko ngā ākonga **Kāore i whiwhi** i te paerewa paetae nei:

- Karekau he ākonga **Kāore i whiwhi** i te paerewa paetae nei:

92091: Te whakamahi i ngā āhuetanga toi puoro kia puta ai he mahinga toi

Te Aromatawai ā-Waho:

E rua ngā wāhanga o te aromatawai nei. Ko tā te ākonga, he rangahau i te orokohanga mai o tētahi taura puoro.

1. Ka whakaatu māramatanga ki ngā āhuetanga o ngā huānga puoro i roto i tētahi taura puoro.
2. Ka waihanga, ka whakaahua hoki i te mārama ki te hanumitanga o ngā huānga toi puoro.

Ko ngā whakautu a te ākonga ka whakaatu i ōna whakaaro e ai ki ōna māramatanga ki ngā huānga toi puoro. Ka mutu, ka whakamārama i te hononga o ngā huānga toi puoro ki tētahi taura puoro nā te ākonga i kōwhiri.

Kātahi ka waihanga, ka tito rānei i tētahi taura puoro, ka whakamārama hoki i te āhua o tā te ākonga whakamahi i ngā huānga toi puoro i roto i te taura puoro.

1. Kia neke atu i te 150 kupu te roa o te whakautu ā-tuhi mō te wāhanga tuatahi, ā, me nui ake i te whā huānga toi puoro ka whakamahia i roto i te titonga.

2. Kia neke atu i te 150 kupu rānei te roa o te whakamārama i ngā huānga toi puoro mō te wāhanga tuarua. Mehemea ka tukuna hei whakaaturanga, hei kiriata rānei, me neke atu i te rua meneti te roa.

Te Tirohanga:

Kia kaha te ākonga ki te ruku hōhonu ki te ngako o ngā kōrero e hāngai matua ki te kaupapa.

Pūrongo Paerewa Paetae:

Ko ngā ākonga i eke ki te **Kairangi** i te paerewa paetae nei:

- i tohua, kua mārama pū ki te whakamahinga o ngā huānga toi puoro mā te tika o te whakatauiria i roto i ngā momo huānga toi.
- i hohonu te whakamārama hoki i ngā tauira i roto i ngā tuhinga akiaki.

Ko ngā ākonga i eke ki te **Kaiaka** i te paerewa paetae nei:

- i tohua, kua marama ki ngā huānga toi puoro, a, kua kowhiria ngā huānga e whai take hoki ai ki te horopaki o te mahinga toi.

Ko ngā ākonga i eke ki te **Paetae** i te paerewa paetae nei:

- i kowhiria i ngā huānga toi puoro e hangai ai ki te horopaki o te mahinga toi.

Karekau he ākonga i riro i te maaka nei, heoi ki te tutuki kia tutuki i te **Kāore i whiwhi** me:

- kore e whakaatu maramatanga ki ngā huānga toi e whā, ki te kore hoki e waihanga mahinga toi e whakatauiria ai i ētahi huānga toi puoro.